



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam præuaricationis pareneum. Ode Tricolos Tetrastrophos. III.

urn:nbn:de:hbz:466:1-44973

MONUMENTA.

15

In tabulam præuaricationis parentum.

Ode Tricolos Tetraſtrophos. III.

Eheu laborum pondera maxima,
 Mortale quondam queis premitur genus.
 Inuexit orbi tunc recenti
 Femineæ leuitatis error,
 Postquam parentum, plura petentium
 Quam vox benigni præbuerat Deo.
 Attendit infausti draconis
 Credulitas male suada verbis:
 Ardor negatæ dum sapientiæ,
 Summiq̄ue certans ambitio loci
 Angustiores dat videri
 Diuitias, cumulumq̄ue celat.
 Pellexit arbor raraq̄ue frondium
 Prospecta, ramis forma micantibus
 Fatale vt auferent scelesto
 Dente (nefas) temerare malum.
 Conceptus agro pectore conscius
 Succus, patenteis mox referat vias,
 Qua culpa lethi seua mater,
 Visceribusq̄ue, animisq̄ue regnet.
 Hoc fonte rixæ, dissidia & furor,
 Pugnæ, rapinæ, seuaq̄ue criminum
 Turba, & dolores in nepotum
 Dedecus exitiumq̄ue manant.

AMBITIO AERVMNOSA.

Principium errorisq̄ue mali, miseræq̄ue ruinæ
 Est, præceptorî credere nolle Deo.

FRAVDIS EXSPOLIATRICES MONVM.

In tabulam Serpentis à Deo maledicti.

Ode Dicolos Tetraſtrophos. IIII.

Victor dum, patibus peruenio ingo
 Depressis, celebrat gaudia Lucifer;
 Præclara & repetit cum grege perfido
 Palmæ præmiæ nobilis:

Duci